

मेवा नगर री डोडियां अध बीच,

दोहा जमला माही जावणो,

जागे रावलमाल,

रूपा गुरु से अरज करे,

गुरु मारे सामी भाळ ।

रूपा रावलमालदे मालाणी रे माय,

रूपा भजन करे भगवान का,

रावल भजन करण दे नाय ।

मेवा नगर री डोडियां अध बीच,

रूपा डावड़िया रामत मोडियो रे जी,

मेवा नगर री डोडिया अध बीच,

रूपा डावड़िया रामत मोडियो रे जी ॥

ऐ पूरिया है अलख धणी रो पाठ,

पगल्या पूरिया है रामा पीर रा रे जी,

ऐ परी कोरी है मेवा री बाजार,

चेहरों कोरियो हे रावल माल रो रे जी ॥

घोड़ा वाला घोड़ों पाचो राख,

पगल्या भांगे है रामा पीर रा रे जी,

परी भोगे थु मेवा री बाजार,

चेहरों भोगे है रावल माल रो रे जी ॥

कटे देखी है मेवा री बाजार,
कटे देख्या है रावल माल जी रे जी,
गई थी मु तो कच्छ भुज रे माय,
वोटे देख्या है रावल मालजी रे जी ॥

कठड़े सोवे है चंद्र भाण,
कठड़े सोवे रावलमाल जी रे जी,
तारों में सोवे है चंद्र भाण,
बोधवे सोवे रावलमाल जी रे जी ॥

मालजी ने मेवा गढ रो राज,
थोथी थळियो रो वंको राजवी रे जी,
मेवा नगर री डोडिया अध बीच,
रूपा डावड़िया रामत मोडियो रे जी ॥

गायक जेतपुरी जी महाराज ।
प्रेषक पुखराज पटेल ।
97844 17723

Source: <https://www.bharattemples.com/mewanagar-ri-dodiya-adh-bich/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>